



ATASSUT

UKA 2016/140-1

Steen Lyngé

26. 09. 2016.

Kalaallit Nunaanni pinerluttulerineq pillugu inatsisip aamma Kalaallit Kalaallit Nunaanni eqqartuussisarneq pillugu inatsisip allanngortinneqarnissaanut missingiummut Namminersorlutik Oqartussat tapersersuinissaat pillugu Inatsisartut aalajangiiffigisassaattut siunnersuut (Oqarasuaatikkut nalunaaruteqartarneq, kalaallit nunaanni pinerluuteqarsimasunut inissiisarfinni pissaanermik atuineq, kiisalu palleqqusinnginneq, sumiiffimmeeqqusinnginneq peersitaanerlu il. il.) aamma palleqqusinnginneq, sumiiffimmeeqqusinnginneq peersitaanerlu pillugit inatsisip Kalaallit Nunaannut atuutilernissaa pillugu peqqussut aamma pinerlunnernik eqqugaasimasunut naalagaaffimmit taartisiaqarnissaq pillugu inatsisip allanngortinneqarnera.

(Medlem af Naalakkersuisut for Familie, Ligestilling, Sociale Anliggender og Justitsvæsen)

Atassut-mit Naalakkersuisut qujassuteqarfigissavagut eqqartuussineq pillugu inatsip aamma aalajangersakkat naleqqussarneqarnissaat pillugu allannguinnissamik siunnersuummik saqqummiussaqaqarnerannut.

Persuttaasarneq akuersaarneqarsinnaanngilaq. Marsarluni malersuineq akuersaarneqarsinnaanngilaq. Isertitsivinni sulisut pitsaanerusumik illersorneqartariaqarput.

Angerlarsimaffik tassaasariaqarpoq toqqissisimasumik inuuneqarnissamut sinaakkutissanik pilersitsivik. Angerlarsimaffik tassaasariaqarpoq inuit ataasiakkaat oqqisimaarfiulluni eqqissisimaarfiususaaq. Taamaattumik angerlarsimaffimmi persuttaasarneq arlaannaanulluunniit iluaqutaasussaannngilaq.

Persuttaasoqarsimatillugu pissutsit imaattariaqarput persuttaasuusooq tassaasariaqartoq angerlarsimaffimmiit peersinneqartoq. Taamaattumik taamatut peersitsisinnaanermik siunnersuuteqarneq, tassaavoq inuiaqatigiinni persuttaanermik akuersaanneginnertum takussutissaq pitsaanerpaaq.

Pingaaruteqarpoq Naalakkersuisut eqqumaffigissagaat, angerlarsimaffimmi persuttaasarnermik pinaveersaartitsilluni innuttaasunut qaammarsaanerit ingerlajuaannarnissaat. Innuttaasut tikinneqartariaqarput piffimmi inissisimaffianni, taamaattumik tusagassiuuteqarfiit assigiinngitsut atorlugit pinaveersaartitsilluni suliniutit ingerlanneqartariaqarput.

Aamma pingaaruteqarpoq, innuttaasut persuttaasartut ikiortissarsiornissaminnik assigiinngitsunik periarfissaqarnissaat, siunnersortinnikkut imaluunniit eqimattakkuutaani oqaloqatiginnittarnikkut. Naalakkersuisut kommunit suleqatigalugit taamatut ikiorsiinissamut periarfissanik sumiiffissanillu ikiuisariaqarput.

Arlallit persuttagaanermik misigisaqarsimasut aamma misiginikuuvaat aapparinikuusamit marserneqarluni malersorneqarneq. Tamanna pisinnaasarpoq timitaliinikkut, oqarasuaatikkut imaluunniit allatigut. Allat aamma misigisarpaat marserneqarlutik malersorneqartarneq inooqatiginikuunngisanit. Assigiinngitsutigut inuit attaveqatigiissinnaanerit periarfissat amerliartortillugit aamma innuttaasunik akornusersuinerit imaluunniit marserluni malersuinerit annertusiartorsimapput. Taamaattumik pisariaqarpoq erseqqarissunik tamakkungunnga malittarisassaqaarnissaq.

Ukiuni arlalinni Kalaallit Nunaanni eqqartuussivinni suliassat amerliartuinnarnerisa innuttaasut ataasiakkat inatsisitigut innarlitsaalisanaanerannik annikillisaataavoq. Naalakkersuisut allakkatigut nalunaaruteqartarnissamut paarlallugu oqarasuaatikkut nalunaaruteqartarsinnaanermut siunnersuuteqarnera Kalaallit Nunaannit eqqartuussiveqarfiit iluini suleriaatsip eqaallisarneqarsinnaaneranut oqilisaataasinnaavoq. Taamaattumik Atassummit taamatut oqarasuaatikkut nalunaaruteqartalersinnaanermut periarfissaqartitsilersinnaanermut siunnersuut tikilluaqqugaarparput.

Isertitsivinni sulisut ajoraluartumik ilaatigut nakuusertariaqartarnerannut atatillugu serpalittaammik qasilitsumik aammalu eqqornaveeqqummik atuilersinnaanissaat pisariaqalersimavoq ilaatigut persuttaanninnerit sakkortusiartuinnalersimani pissutaalluni.

Isertitsivinni sulisut allatuulli sulisinnaasariaqarput illersugaallutik, taamaattumik pisarialittut isigaarput taamatut sakkussinneqarsinnaaneri. Atassummiilli piumasarissavarput, taamatut nakuusernermi sakkut sukannersumik atorneqarneri nakkutigineqassasut aqunneqarlutillu. Nakuusertoqarnermilu nalunaaruteqartarnermut malittarisassat assigalugit aamma sakkut atorneqartarneri tamarmik nalunaarutigineqartassapput.

Taamatut immikkoortumut oqaaseqarluta, ataatsimiitsitaliamut ingerlateqqinneqarnissaa innersuussutigissavarput.

Qujanaq oqaaseqarsinnaaninnut.